

Ina avertura festiva da la sessiun a Flem

■ (anr/ld) Quai è stà ier a Flem ina avertura unica dal parlament federal. Schizunt il president communal, il president da la regenza grischuna, in chor viril rumantsch ed in cusseglier federal han astgà far bainvegni a las parlamentarias ed als parlamentararis federalis. *Thomas Ragetti*, il president communal da Flem, ha sincerà che la populaziun da Flem sa legria d'astgar far bainvegni al parlament federal e speria che questa sessiun pussibileschia era blers contacts cun la populaziun indigena. Recreaziun e ruaus saja la basa per prestar buna lavur, ha el manegia.

Claudio Lardi, il president da la regenza grischuna, ha engrazià a cusseglier dals chantuns, *Christoffel Brändli*, per sia proposta d'organisar ina sessiun en territori rumantsch. A l'adressa dal parlament ha Lardi punctuà: «Tschertamain spetgais Vus dal president da la regenza ch'el chantia in imni davart ses chantun. Quai na fatsch jau betg. In video – che Vus avais survegnì – ha surpiglià questa incumbensa. Giudai ils bels maletgs e giugai cun la quadrilinguitad dal disc cumpact. E cunzunt – guardai enturn, faschai ina visita a la populaziun qua en Surselva e verifitgai sche nus avain exagerà cun quest video davart il Grischun.» Il contact cun la populaziun e cun sia lingua materna, il rumantsch, vegn a cumprovar che la quadrilinguitad n'è betg mo in mitus en Svizra. Ina visita a la regiun ed a sia populaziun vegn dentant er a cumprovar ch'i na basta betg mo da chantar qua e là davart la plurilinguitad per



Pascal Couchepin ha punctuà las valurs da noss sistem democratic.

FOTO G. VENZIN

mantegnair e per la promover. In sguard sur il cunfins ora conferma che la Svizra ha in dals parlaments ils pli efizients.

Cumbain che la chatscha saja actualmain averta, san las chatschaduras ed il chatschadurs exactamain ch'i n'è er quest onn betg permess da sajettar «tschiervs politics».

Ina gronda onur

Il president dal cussegl naziunal *Claude Janiak* ha exprimì sia condolientscha e sia simpatia per ils pertutgads dal tragic accident sin la Viamala.

Quai è per mai ina gronda onur ed in grond plaschair da pudair avrir la sessiun qua a Flem, ha punctuà il president dal cussegl naziunal, *Claude Janiak*. Cun la sessiun a Flem termine-scha il turnus da las sessiuns ordaifer la chasa federala. En ses pled d'avertura ha Janiak constatà che dus factors sajan determinants per l'avegnir dal rumantsch. Primarmain la veglia da la populaziun rumantscha ed il sustegn efficaci da la confederaziun. En moda particulara saja la confederaziun dumandada cura ch'i sa tractia da proteger las linguas naziunalas, ed en l'emprim lieu il rumantsch, ha Janiak constatà.

Cusseglier federal *Pascal Couchepin* ha fatg attent che las sessiuns a Geneva, a Lugano ed uss a Flem sajan in simbol per las valurs fundamentalas da noss stadi.

Sut la direcziun dad *Umberto Camathias* ha il Chor viril Ligia Grischa preschentà intginas chanzuns rumantschas e dà a l'avertura in accent simpatic.



Christoffel Brändli: L'iniziant da la sessiun a Flem.



Duri Bezzola e Walter Decurtins: L'antierius cusseglier nazional ha fatg ina visita a ses collegas.

La festa d'avertura da la sessiun dal parlament ha gi lieu ier en la halla da tennis dal Hotel dal Parc a Flem. En quella halla tracta il cussegli nazional las proximas emnas sias fatschentas.

FOTOS: G. VENZIN



Il president dal cussegli nazional Claude Janiak ha avert la sessiun dal parlament a Flem.



Prominenza tut a dubel sin la tribuna dals giasts:
Davant da sanester:
Martin Bundi, Silvia Degiacomi. Davos: Simeon Bühler, Giusep Nay e Leon Schlumpf.



Anc ina davosa eglia da en las actas. Il cusseglier nazional Sep Cathomas da Breil ha in gieu da chasa.



Il president da la regenza grischuna Claudio Lardi ha laschèa gustar il buffet avant che tegnair il pled d'avertura dal parlament.



Thomas Ragetti: Il president communal sco patrun chasa dal parlament.



Bab e feglia en discurs. Brigitta Gadiet e ses bab ed antierius cusseglier dals stans Ulrich Gadiet. Enamez l'antierius cusseglier dals stans sursilvan Luregn Mathias Cavely.